

NAQQIUT

UKA 2016/30: Nukissiorfiit innaallagissamik imermillu tunisassiornerminni pilersuinerannillu aalisakkanik tunisassiorfinnut illoqarfinni nunaqarfinnilu ataasiakkaani 41,5%-imi akeqartitsinerup assinganik nunap qaavani toqoraavinnut s.a. Neqi A/S aamma Lilleholm Aps-imut atuutsinneqalernissaannik Naalakkersuisut piginnaatinneqarnissaannik Inatsisartut aalajangiiffigisassaattut siunnersuut-mut ilanngussamut taartigineqartoq

(Naqqiut atorlugu Nukissiorfiit innaallagissamik imermillu tunisassiornerminni pilersuinerannillu aalisakkanik tunisassiorfinnut illoqarfinni nunaqarfinnilu ataasiakkaani 41,5%-imi akeqartitsinerup assinganik nunap qaavani toqoraavinnut s.a. Neqi A/S aamma Lilleholm Aps-imut atuutsinneqalernissaannik Naalakkersuisut piginnaatinneqarnissaannik Inatsisartut aalajangiiffigisassaattut siunnersuut-mut kalaallisoortaa danskisoortaanut naapertuuttunngortinneqarpoq. Allannguutissaq akissuteqaammi qupp. 2-mi oqaaseqatigiinnit kingullerpaami allannguutissatut siunnersuut-mi innersuussutigineqartumi ilanngunneqarpoq)

Nukissiorfiit innaallagissamik imermillu tunisassiornerminni pilersuinerannillu aalisakkanik tunisassiorfinnut illoqarfinni nunaqarfinnilu ataasiakkaani 41,5%-imik akeqartitsinerup assinganik nunap qaavani toqoraavinnut s.a. Neqi A/S aamma Lilleholm Aps-imut atuutsinneqalernissaannik Naalakkersuisut piginnaatinneqarnissaannik Inatsisartut aalajangiiffigisassaattut siunnersuut.
(Inatsisartuni ilaasortaq Suka K. Frederiksen, Siumut)

Akissuteqaat

(Pinngortitamut, Avatangiisinut Nukissiuuteqarnermullu Naalakkersuisoq)

Siullermeerneqarnera

Naalakkersuisut sinnerlugit Siumumit Inatsisartuni ilaasortaq, Suka K. Frederiksen, aalajangiiffigisassatut siunnersuuteqarneranut qutsavigaara.

Naalakkersuisoqatigiinnissamut isumaqatigiisummi allassimasutut, ilaatigut suliffissuit tunisassiorlut innaallagissamut imermullu akinik assigiinnik atugaqartinneqarnissaasa qulakkeeriffigineratigut inuussutissarsiutinik siuarsaanissaq Naalakkersuisut kissaatigaat. Tamanna nukissiuuteqarnermut akinik aalajangersaasarnermut najoqqutassiassami nutaami ilaatinneqassaaq.

Suliffeqarfinnut tunisassiorlutunut nukissiornermut akinik aalajangersaasarneq suliniutinut pilersaarusiortarnernullu annertunerusunut ilaavoq. Aamma akit qanoq iliorluni suliffeqarfiit nukissiornermi attaveqaatinik pitsaanerpaamik atuinissaannut, aammalu nukissiuutinik ataavartunik annertunerpaamik atuinissaannut eqqortumik kajumissaarutitut atorneqarsinnaanersut,

isumaliutersuutitut ilaatinneqarpoq. Tassalu Napatitsinermut Siaruariartornissamullu Pilersaarusiame, Nukissiorfiit 2030-mi nukissiaata minnerpaamik 90 %-iata nukissiuutitut ataavartunit pissarsiarineqartarnissaanik nukissiuuteqarnermut politikkikkut anguniakkanut tunngatillugu, akit ilusaat aamma pitsaasumik kajumissaataassapput.

Tamatuma peqatigisaanik suliffeqarfinnut tunisassioortunut nukissiuutitut akit eqqarsaatigalugit erseqqissaatigissavarput, suliffeqarfinnut tunisassioortunut amerlanerusunut akikillisaassiinissaq atuisunut nalinginnaasunut akinik allannguinermik kinguneqarsinnaammat. Suliffinnut tunisassioortunut, soorlu toqoraavinnut, aalisakkerivinnut tapiisarnitsitut ikiuuttariaqarnerput qularutigineqassanngilaq. Kisiannili tapiissutit, atuisunut najukkani nioqqutissanik akikinnerulersitsisinnaasut suliffissanillu pilersitsisinnaasut aamma atuisut nukissiornermut akiligassaannik qaffatsitsisinnaammata tappiiffigissanngilarput. Paarlattuanik inuussutissarsiornermut piumasagaatinut sinaakktissat pitsaasut ineriartortitsinermut suliffissanillu pilersitsisarnermut inuiaqatigiinnut sumiiffinnullu ataasiakkaanut iluaqutaasumik tapertaapput.

Akit ilusaat naapertuuttumik aalajangersarneqarunik aningaasaqarnikkut ineriartornermut iluaqutaasinnaapput. Tamanna qulakkeerniarlugu akigititaasut immikkut ittut, suliffeqarfiit tunisassioortut amerlanerusut akigititaasunik atuisinnaalersinniarneqarnerinut atatillugu iluarsineqarnissaat pisariaqarnersoq Naalackersuisut misissuiffiginiarpaat. Nukissiornermut akit ilusaannut nutaanut siunnersuutip ataatsimoortup kingusinnerpaamik 2017-imi Ukiakkut Ataatsimiinnermi saqqummiunneqassasoq Naalackersuisut naatsorsuutigaat.

Matuma siuliani oqaaseqaatit tunngavigalugit oqallilluartoqarnissaa Naalackersuisut kissaatigaat, aammalu allannguutissatut siunnersuut una innersuussutigalugu:

”Naalackersuisut kingusinnerpaamik 2017-imi Ukiakkut Ataatsimiinnermi innaallagissamut imermullu akinik immikkut ittunik atuisinnaanerup annertusineqarnissaanut, taamaalillunilu suliffeqarfiit tunisassioortut aalisakkerinermik inuussutissarsiuuteqarnermut sanilliunneqarsinnaalernissaannut siunnersuummik saqqummiussinissaat pillugu Inatsisartuni aalajangiiffigisassatut siunnersuut. Siunnersuut suliffeqarfiit suut aaqqissuussinermut ilaatinneqassanersut, kiisalu aaqqissuussineq iluarsisariaqarsinnaanersooq pillugu nassuiaammik imaqassaaq.”